

Олнла хамдан

Эндр Москва балгъснд Ленинск комсомолин дарани XIII-ч хург секгдхмн. Дакад өрäl джил болад — октябрин 29-д мана орн-нутг комсомолин 40 джилин өөн темдглхмн. Эн хойр темдгтá өдр мана комсомолин өмн ик төрмүд тавб.

Комсомолин XIII-ч хург секгдх өдриг диилвртáгъяр тосхин төлá мана комсомольцнр цуцрлан угагъар производственн даалгъвран куцáхяр, áрвллгъ болн хоршулт сáанáр кехяр, культуран өөдлүлхяр күчтá ноолда кецáв. Энүнд мана Элст балгъсна комсомольцнр чигн шунмгáгъяр орлцв.

Эндр комсомолин XIII-ч хург секгджáх өдриг сáн диилвртá тосцхаснь: мехлесхозин токарь-комсомольск организацин сеглáтр үр Д. Якунин өдрин даалгъвран 200-220 процент, ремзаводин фрезеровщик-комсомолец А. Корниенко норман 200 процент күргдж күцáджáв. Эдн мет зурагъан давулдж күцáджáцхаснь — 2-ч тослхтин управ-

ленá комсомольцнр — десятник Манджиев К., столяр Кюрюлдеев Э., «Россовхозтрансин» комсомольцнр — шофермүд Мантусов Б., Сухонов Н., Симкович А., 2-ч АТК-н — Осипенко Е., болн Замков А., ремзаводин слесарь Ефремов Г., МТС — н слесарь Чернухин И., «Страна Советов» колхозин тракторист Санин А., болн нань чигн кесг комсомольцнр.

2-ч тослхтин управленá комсомольцнр — тосхачнр комсомолин XIII-ч хургт болн 40 джилин өөнд нерáддж бийсдán өөдán даалгъвр авцáла. Сентябрин негн күртл дундин школ бáрдж дууснавдн гигъад өргнáр соцдөрлдá делгрүлджáнá.

Элст эргнá колхозмуд эн джил хөөдиннь тоог 40 мингн толгъа икдүлдж өсгх, бод малан болн шовудинь чигн тоог өсгх болдж даалгъвр авсмн. Эн джил эрдни-шишá мана Хальмг тангъгч 100 минггн гектар тэрх болдж шиидв. Балгъсна комсомольцнр эн төрт уха-седклán икэр өгáд, эрдни-

шишá тэрлгнá комсомольск — багъчудин 22 звено бүрдáлá. Эрдни-шишá тэрчнрин совещангд эдн бийсдán өдán даалгъвр авцáв: үлгүрнь, Овчарова Зоян звено («Победа» колхоз), гектар болгънас 20 центнер эрдни-шишá авнавдн гидж даалгъвр авад Максатова Светланан звено (Ленинá нертá колхоз) дөрлдэнд дуудв.

Эврáннь эн байрта өдрán үзмджтá көдлмшáрн тосхар балгъсна колхозмудин малчнр, СССР-н Деед Советин тууджлгч шиидврмүдэр урмд авч, агъу өргэр социалистическ дөрлдэг делгрүлдж, ик диилврмүд бэрцхáв. Келхд «Страна Советов» колхозин ах хөөчнр П. Сухов, П. Кийко. Г. Коробейников 132-145 хургъ 100 нáаднр хөөдáс авад, теднán таргън-цадхлнцгар, гару угагъар хадгълджана.

Хөөчнрáс саальчнр үлджж йовхш. Сталинá нертá колхозин саальч Р. Богаславская, «Страна Советов» колхозин саальчнр Т. Песоцкая болн Н. Свинарева авсн даалгъвран күцáдж, орн-нутгтан, олн-áмтидán үс икэр саадж өгхэр шунджацхана.

Цуг малчнр өөрхн джилмүдин эргцд áмн болгъна тоод үс, тос, мах гаргългъарн Америкин Соединени Штат-сиг күццхмн гисн партин дуудвриг күцáхин кергт күчн — чидлэн, дамшлтан хармидж бáэхмн уга. Иим ик чинртá кергт багъчуд нүүрт йовцхана.

Ода хөөнá төл авчач цагт балгъсна учрежденá комсомольцнр Элст эргнд бáэх колхозмудт сакманшикүд болдж однавдн гидж дуран өгцхáв. Ода 100 гар комсомольцнр сакманшикүд болдж көдлджáнá. Түрүн көдлсн өдрáсн авн шунмгáгъяр көдлджáхнь Ракович И., Ефремов А. болн нань чигн комсомольцнр. Эднá көдлмшннь чилсн цагт көдлмшиннь аш диглэд, тасрхан сáанáр көдлсн комсомольцнрт ВЛКСМ-н балгъсна комитетин диплом өггдхмн.

Балгъсна комсомольцнр ВЛКСМ-н XIII-ч хургт нерáддж апрелин 13-д балгъсна стадионд кросс кев.

Л. МЕСНЯНКИНА,
ВЛКСМ-н балгъсна
комитетин сеглáтр.